



Adresa: **Ul. Hamdije Ćemerlića 39a**
71000 Sarajevo
<http://www.voda.ba>

tel. +387 33 726 444

fax. +387 33 726 423

e – mail: info@voda.ba;

Broj: 20/50-765-1/22

Datum: 28.06.2022. godine

Na osnovu članova 156. i 178 stav 2., Zakona o vodama Federacije Bosne i Hercegovine („Službene novine Federacije BiH“, broj 70/06), člana 36. Statuta Agencije za vodno područje rijeke Save Sarajevo, a u vezi sa Okvirnim planom i Finansijskim planom Agencije za vodno područje rijeke Save Sarajevo 2021-2023, te Odluci o procedurama i kriterijima za pripremu godišnjeg Plana i Finansijskog plana “Agencije za vodno područje rijeke Save” Sarajevo broj 20-763-1/22 od 28.06.2022. godine, Agencija za vodno područje rijeke Save Sarajevo d a j e

O B A V I J E S T

o početku pripreme Plana i Finansijskog plana “Agencije za vodno područje rijeke Save”
Sarajevo za 2023. godinu

“Agencija za vodno područje rijeke Save” Sarajevo (u daljem tekstu: Agencija) započinje sa pripremom Plana i Finansijskog plana Agencije za 2023. godinu, koji prema članu 160. stav 2., tačka 2. Zakona o vodama Federacije BiH, donosi Upravni odbor Agencije uz saglasnost Federalnog ministarstva poljoprivrede, vodoprivrede i šumarstva.

Za Plan i Finansijski plana Agencije za 2023. godinu, potrebno je predložiti isključivo projekte i aktivnosti koji su u skladu sa članom 178. Zakona o vodama Federacije BiH, a kojim je definisano korištenje prihoda od vodnih naknada.

Preduslovi za izbor projekata i aktivnosti su slijedeći:

- Raspoloživa finansijska sredstva Agencije,

- Obaveze koje Agencija ima po članovima 29. i 156. Zakona o vodama Federacije BiH,
- Projekti održavanja i upravljanja zaštitnim vodnim objektima u vlasništvu Federacije BiH,
- Projekti iz segmenta upravljanja vodama i okoliša definisani strateškom i planskom dokumentacijom dokumentacijom,
- Učešće u projektima koji se finansiraju iz Budžeta Federacije BiH ili od strane međunarodnih finansijskih institucija.

Osnovne podloge za pripremu godišnjeg Plana Agencije su:

- ostvareni prihodi po izvorima sredstava,
- donesen Okvirni Plan i Finansijski plan Agencije,
- usvojeni zakonski, podzakonski, strateški i planski dokumenti iz oblasti upravljanja vodama i zaštite okoliša,
- zahtjevi nadležnog federalnog ministarstva za vode, akti, odluke i zaključci Vlade Federacije Bosne i Hercegovine, zahtjevi kantonalnih ministarstava nadležnih za upravljanje vodama, zahtjevi općina/gradova i drugih zainteresovanih strana,
- obaveze po međunarodnim konvencijama, sporazumima i ugovorima iz segmenta voda i okoliša koje je potpisala BiH,
- projekti finansirani od strane domaćih i međunarodnih finansijskih institucija,
- prijedlozi aktivnosti svih sektora Agencije,
- Trogodišnji i godišnji planovi Federalnog ministarstva poljoprivrede, vodoprivrede i šumarstva,
- instrukcije Upravnog i Nadzornog odbora Agencije,
- obaveze koje je Bosna i Hercegovina preuzela kroz procese EU integracija i Sporazuma o stabilizaciji i pridruživanju (SSP).

Agencija će početkom septembra 2022. godine poslati pisanu obavjest općinama/gradovima i kantonalnim ministarstvima nadležnim za upravljanje vodama na vodnom području rijeke Save u Federaciji BiH, kojom će ih informisati da mogu dostaviti projekte i aktivnosti koje bi Agencija mogla finansirati, a odnose se na uređenje vodotoka i zaštitu od štetnog djelovanja voda na vodotocima prve kategorije, definisane članom 5. Zakona o vodama Federacije BiH ("Službene novine Federacije BiH", broj 70/06). Uz pisani poziv dostavit će se i obrazac/prijava koji relevantne institucije trebaju popuniti i u prilogu dostaviti dokumentaciju/dokaze koji potvrđuju navode iz popunjenih obrazaca/prijave. Rok za zaprimanje zahtjeva je kraj septembra 2022. godine.